



## WORD

*Ang pag-ibig sa kapwa ay hindi gumagawa ng masama sa kapwa, kaya nga, ang pag-ibig ay katuparan ng kautusan.* **MGA TAGA-ROMA 13:10**

---

Hinihikayat tayo ni Apostol Pablo na mahalín ang ating kapwa, at si Jesus naman ay nagsilbing halimbawa ng katotohanang ito sa pamamagitan ng Kanyang pamumuhay. Sinasabi sa salita ng Diyos na ang pag-ibig ay katuparan ng kautusan. Sa araling ito, ating aaralin ang tatlong mahahalagang katotohanan patungkol sa pagmamahal sa ating kapwa.

## 1 Ang pagmamahal sa kapwa at pagtupad sa kautusan.

*<sup>8</sup>Huwag kayong magkautang ng anuman sa kanino man, sa halip ay mag-ibigan sa isa't isa sapagkat siya na umiibig sa iba ay nakaganap ng kautusan. <sup>9</sup>Ito ang mga utos: Huwag kang mangangalunya, huwag kang papatay, huwag kang magnanakaw, huwag kang mag-bigay ng maling patotoo, huwag kang mag-iimbot. At kung may iba pang utos, ito ay nakapaloob sa salitang ito: "Ibigin mo ang iyong kapwa tulad ng pag-ibig mo sa iyong sarili." **MGA TAGA-ROMA 13:8,9***

Ang pag-ibig na dapat nating ibigay sa ating kapwa ay hindi dahil sa anumang bagay na ating natanggap. Bagkus, ito ay dahil sa pagbibigay sa atin ng Diyos ng lahat ng pag-ibig na maaari Niyang ibigay, kahit pa tayo ay hindi karapat dapat na tumaggap nito. Paano ipinakita ng Diyos ang Kanyang pagmamamahala sa atin? (Mga Taga-Roma 5:8)

.....

.....

.....

.....

## 2

### Ang pagmamahal sa kapwa ay paghahangad ng kanilang ikabubuti.

*Ang pag-ibig sa kapwa ay hindi gumagawa ng masama sa kapwa, kaya nga, ang pag-ibig ay katuparan ng kautusan.*

**MGA TAGA-ROMA 13:10**

Hindi natin dapat hinahangad ang ating sariling kaligayahan. Ang paggawa ng mabuti sa ating kapwa ang dapat na sukatan ng ating sariling mga kaligayahan. Ano ang kautusan ng Salita ng Diyos patungkol sa pagmamahal sa kapwa? (Mateo 7:12)

.....

.....

.....

.....

## 3

### Ang pagmamahal sa kapwa ay pagtulad kay Kristo.

*<sup>13</sup>Mamuhay tayong marangal tulad ng pamumuhay ng tao kapag araw. Hindi tayo dapat mamuhay sa magulong pagtitipon at paglalasing, hindi sa kalaswaan at sa kahalayan, hindi sa paglalaban-laban at sa inggitan. <sup>14</sup>Sa halip, isuot natin ang Panginoong Jesu-Kristo at huwag magbigay ng pagkakataong gawin ang pagnanasa ng laman. **MGA TAGA-ROMA 13:13,14***

Ang pagmamahal sa ibang tao ay iniutos ng Diyos. Tinawag tayo ni Kristo upang gawin ito. Upang magawa nating mahal in ang ibang tao, dapat nating talikuran ang ating mga masamang pag-uugali. Maliban pa dito, dapat nating isuot ang Panginoong Jesu-Kristo sa pang araw-araw nating pamumuhay. Paano tayo dapat mamuhay bilang Kanyang mga tagasunod? (Mga Taga-Colosas 3:12-14)

.....

.....

.....

.....

## APPLICATION

- Ibahagi ang isang kaalaman na nakuha mo sa araling ito. Paano mo ito maisasabuhay ngayong araw?
- Ano ang pagkakaiba sa pagitan ng ating pagkakaintindi sa pag-ibig at sa itinuturo sa Salita ng Diyos? Paano mo magagawang hangarin ang ikabubuti ng ibang tao ngayong linggo?
- Paano mo magagawang mahalín ang iyong kapwa ngayong linggo? Sino ang isang taong maari mong bahaginan ng pag-ibig ng Diyos, at paano mo ito gagawin?

## PRAYER

- Pasalamatán ang Diyos sa Kanyang ganap na pag-ibig na ipinakita sa iyo.
- Ipanalangin ngayong araw ang nasusulat sa Mga Taga-Efeso 3:17,18 para sa iyong Victory group. Hingin sa Diyos ang malalim na pagkaunawa ng Kaniyang pag-ibig para sa iyo.
- Hingin sa Diyos ang pagkakataon upang maipangaral ang Kanyang salita at maibahagi ang Kanyang pag-ibig sa ibang tao, lalo na sa iyong pamilya at mga kaibigan.



**VICTORY**

© 2015 by VICTORY®  
Reserbado ang lahat ng karapatang pag-aari.

Lahat ng sipi ay mula sa ANG SALITA NG DIOS®  
Karapatang Pag-aari © 2010 ng Biblica® Ginamit na may pahintulot  
mula sa Biblica Publishing & Distribution Foundation, Inc.® Reserbado ang lahat ng pag-aari.  
victory.org.ph